


Asaman, Saare Allah Wonde

Tariya ha nder Wolde Allah, Deftere,  
tawama ha nder

Yahonna 14; 2 Koreentiya'en 5;  
Apokalypus 4, 21, 22

"Damugal Wolde Mada don hokka jayngol."  
Jaabura 119:130

# Asaman, Saare Allah Wonde



Window Edward Hughes  
Didowo Lazarus

Lornowo Christian Lingua  
Mo'inowo Sarah S.

Tariya 60 ha nder 60

**M1914.org**

**Bible for Children, PO Box 3, Winnipeg MB R3C 2G1 Canada**

Jarfuye: A don mari jarfu windugo mala wurtinugo tariya  
ndu nder masin, to na je sippugo.

Allah aandi min ngadi kujeji kalludum,  
je O ewnatta hakke. Eltare man dum wada.

Allah yidi amin be gonga O nelli no Bidfo mako,  
Yesu, O mayi do Gafangal e O yobbi eltare amin.  
Yesu wari bana nedfo e lorti ha Asaman!  
Jonta Allah footi yafa hakkeji amin.


To a hasdi sendirugo be hakkeji mada, yeccu do ha  
Allah: Allah am, mi don nuddina Yesu mayi ngam am  
e don yedfa fahin. Useini nastu ha nder jonde am e  
yafanam hakkeji am, ngam ha jonde am sanja jonta, e  
wonda be Mada har abada. Wallam ngam hedditugo  
Ma e yedfa bana bidfo Ma. Amina. Yahonna 3:16

Jaangu Deftere e ngewtu be Allah tum tum!


Fulfulde

Fula


Yakke Yesu don no yedfa do lesdi O wolwini do  
Asaman ha pokara Maɓɓe. O ewni dum "Saare  
Baaba Am", e wi'i wodi cuudi jur  
ha ton. Saare man don maungel  
e wodi. Asaman buran  
cuudi je don ha  
duniyaru be  
maunugo e  
be wofugo.



Yesu wi'i, "Mi don yaha ha mi taskina mon jonde. E to  
mi dilli e taskini mon jonde, Mi loran e Mi jabban mon  
ha Am." Yesu dilli ha Asama, bawo o jalli wade. Nde  
pokara'en mada don no lara, Yesu yarnama ha do, e o  
maji be gite maɓɓe  
ha nder dulle.




Diga nden, jeeyabe siftori kabol Yesu je o lartan ngam hoocugo be. Yesu wi'i o lortan bana gujo, ha balde je be renata mo sam. Nden kadi, dume footi salla ngam jeeyabe je mayi hidekko Yesu warta? Deftere don wi'a be njehan fottugo be Yesu. Ko to bandu wonay be yimbe ma, be Yesu kam en don.




3

Apokalipus, timminol deftere ha nder Deftere don wolwina amin noy Asaman don wodi. Ko buri wodugo fu dum, ferejo, Asaman dum lati saare Allah. Allah don woni ko toy fu, ama saare Mada don ha Asaman.



4

Malayka'en be be'en feere ha Asaman don teddina Allah. Bana ni wadata yimbe Allah je mayi e dilli ha Asaman. be don yimma yimre je feerejo ngam teddinugo Allah.




5

Nda wolde seda je yimre je be yimmata: A DON MARI DARAJA NGAM A HISNI AMIN HA YEESO ALLAH BE IYAM MADA HA ASLI FU E LESDI FU E A LAMI AMIN LAMIBE MODIBE HA ALLAH AMIN. (Apokalypus 5:9)



6

Timminorde Deftere don ewna asaman "Wuro Salima Kesum". Don mauni masin, be mahdi maungel. Mahol man dum cardi Zasper, don bana darugal. Cardi be ka'eji je feerejo don suddi les mahol ndu, don jalbita. Kala damugal berniwol




7

Damugalji maube be cardi go mabbatakke sam. Dillen ha ton e laren dum ... Kaya! Asaman buri wodugo ha nder. Berniwol ndu wadama be cardi, bana darugal. Ko labi ma wadama e cardi.




8

Wodi mayo wonde, labdum je illata diga korowal Allah. Ha sera sera mayo, wodi legal kisndam, je don no ngondi tawon ha nder jarne je Eden. Legal man don feerejo. Don mari bife feere feere 12, kala lewru irin man feere. E hakko legal kisndam go don ngam hurgugo yimbe.



9

Asaman ngida Naange mala lewru hebba anora wona. Jayngol Allah don hebbina dum. Wala jemma ha ton.



10

Ko dabaji ha asaman ma don feerejo. be don jodida be gooto e be kallay. Goyru laade be bali nyamman hufo ha baabal gooto. Ko mbarogaji ma don nyamma hufo be naage. Jaumirawo wi'i, "be meemata godfo mala wonnata kuje ha do Hosere Am je ceninde."



11

Bana to min don yurna ha seera amin, min faaman kujeji feere wonay ha Asaman. Wala nanugo wolde catinga. Wala godfo je habbata be godfo feere mala sati jungo.



12

Wala kuβlugo dammugal, ngam wibe wonnata ha Asaman. Wala feewobe, mbarobe, mistiri'en, mala yimbe kallube feere. Wala ko hakke gooto ha Asaman.



13

Ha Asaman be Allah wala ruffugo gondi fahin. Yakke feere, ummatore Allah don mboya ngam yurmende maungel ha nder duniyarun de. Ha Asaman, Allah majinan gondi amin.




14

Wala mayti ha Asaman bo'o. Ummatore Allah jodfidan be Jaumirawo ha abada. Wala nyurmende fahin, wala bondi fahin, wala nawdum. Wala nyau, wala sendurugo, wala mayti. Ko moy fu ha Asaman don seyi ha abada be Allah.




15

Je buri wodugo fu bo'o, Asama do je bikkon gorko e rewbe pamaron (be maube) je nuddini Yesu Kristi bana Kisnowo maβbe e dōwtinnugo Mo bana Jaumirawo maβbe.



16

Ha asaman wodi deftere feere je be ewnatta Deftere Kisdam Bali. Inde yimbe don heewi ha ton. A aandi inde yimbe je don woni ha ton na? Ka yimbe je lati amanjo maβbe ha Yesu.



17

Timminorde wolde Deftere do Asaman lati ewnandu mbelka. "E Ruhu e bangowo wi'i, 'War!' E ko moy fu je nani wi'a 'War!' E ko moy fu je don demka wara. E ko moy fu je yidi, o hooca ndiyam kisndam meere."



18